



Bókun áheyrnarfulltrúa foreldra barna í grunnskólum Reykjavíkur

89. fundur skóla- og frístundaráðs, 25. nóv. 2015, sjá [fundargerð](#)

8. liður

Vegna ráðninga skólastjórnenda.

Ráðning skólastjóra er eitt stærsta hagsmunamál hvers skólasamfélags. Kjörnir fulltrúar í skóla- og frístundaráði hafa margir lýst sig opna fyrir því að auka aðkomu foreldra að ráðningu skólastjórnenda. Samkvæmt verklagi sem samþykkt var í skóla- og frístundaráði í júní 2013 eiga skólaráð að fá tækifæri til að koma með tillögur um hæfniskröfur, en þær eru þó einungis ráðgefandi. Skólastjóri ber ábyrgð á samstarfi aðila skólasamfélagsins. Áheyrnarfulltrúi foreldra telur það vera marktækan vitnisburð um samskipta og stjórnunarhæfileika að í skóla sem umsækjandi hefur áður stýrt sé virkt skólaráð og að lögbundin félög foreldra og nemenda séu virk og starfi samkvæmt þeim lögum og reglugerðum sem þeim er ætlað. Fulltrúi foreldra vill nota þetta tækifæri þegar fjallað er um ráðningu skólastjóra að ítreka fyrri bókanir sínar um mikilvægi þess að þegar fjallað er um hæfnisþætti umsækjenda sem hafa gegnt stöðu skólastjóra eða aðstoðarskólastjóra sé ávallt gengið úr skugga um starfsemi og virkni þessara lögbundnu félaga og ráða sem eru hluti af stjórnskipan hvers skóla samkvæmt grunnskólalögum.